

平 天 年 表

平天年表，係以平天年為標準，逐年推算各朝之元年，其法如下：

（一）平天年表

平

夏

錄

黃
標
言

中
華
書
局

叢書集成初編所選古今說
海今獻彙言歷代小史紀錄
彙編借月山房彙鈔澤古齋
重鈔皆收有此書今獻善本
故據以影印

平夏錄

東海黃標言

元政不綱群雄鼎沸蓋天命

聖人必先以驅除云爾蜀有明氏

旻氏諱王珍一曰字隨州

王沙村人也家世務農王珍身長八尺目重瞳子鄉間有

訟皆往質焉至正辛卯歲汝穎兵起王珍乃團結里中人

屯于青山衆推爲屯長

一曰爲巡司弓兵子頤隨明年

壬辰徐壽輝亦起於蘄黃癸巳冬十一月壽輝僭大號都

漢陽遣使招王珍王珍歸漢陽授元帥益兵俾鎮沔陽與

元將哈林禿連戰湖中飛矢中其右目人呼爲旻眼子沔

陽連歲饑乙未春

夏一日

王珍將斗船五十艘上夔府哨糧

時夷陵皆屬漢參政姜珏守之玉珍至巫峽貿糧皆滿丙申冬辰州人楊漢者元義兵元帥也以精兵五千屯平西寨時行省右丞相完者都鎮重慶招兵丁酉春三月漢以兵屯江北完者都誘漢來謁席間殺之欲併其軍麾下懼且怒乃虜船下流適遇王珍於巫峽訴其事且言重慶一城竝有左丞相哈林禿右丞相完者都兩不相下郡無厚兵可攻也王珍猶豫未決萬戶戴壽等曰烏困投林人困投人且公在沔陽爲民也遠來覓糧亦爲民也若分船爲二以其半載糧還沔陽以其半因漢兵攻重慶事濟則爲

之不濟則歸無損也玉珍從之道路俄見斗船遽遁騷然
完者都夜遁果州生獲哈林充父老迎玉珍入城玉珍禁
侵掠城中按堵如故四外降者絡繹不絕乃獻哈林充于
漢陽是歲秋壽輝以玉珍爲隴蜀省右丞戊戌春二月完
者都來自果州屯嘉定之大佛寺一名凌雲復重慶玉珍使
義弟明二禦之明二者舊陂人也智勇過人玉珍寵愛之
妻以弟婦稱爲明二三曰後復姓名曰萬勝明二攻嘉定
夜遣軍人陳夜眼緣城劫爲牛山城破惟大佛未下相持
越半載玉珍親率兵繼之旬日內潰入之趙資者行省參
政也與完者都平章朗華友同守嘉定明二陷嘉定時完

者都朗華玄先遁惟資守大佛明二執資妻于江岸以招
資資嘻曰痴婦不死何爲汝不見平章婦乎平章婦者朗
華友妻也城陷時赴水死語畢以強弩射殺妻復欲射其
子爲衆所擁不得射已而大佛陷資亦遁三人者會于龍
州謀興復爲遊兵執至重慶王珍欲用之館之治平寺使
人諭意三人曰國破家亡祈一速死爾王珍猶欲生之時
傳趙參政兵將至三人者同斬于市即大十字街蜀人亦謂之
三忠王珍乃以禮葬之初王珍攻完者都時道出瀘州暮
宿于河下宣使劉澤民曰此間有劉禎者字維周官爲大
名路經歷前元進士也能文章政事避青巾李喜亂入居

深山盍往見焉王珍曰可與俱來澤民曰此可就見不可
屈致也明日遂往見之相與講論王珍喜曰吾得一孔明
也邀至舟與議國事即舟中拜爲理問官己亥遣使貢於
漢陽時友諒矯命使會兵建康明年庚子春友諒弑壽輝
自立王珍曰陳友諒倪文俊同在徐朝爲臣子今弑逆予
當討之遂令莫仁壽領兵守夔關絕不與通爲壽輝立廟
城南衆推王珍爲龍蜀王辛五夏四月以劉禎爲參謀朝
夕侍講禎屏人從容說曰西蜀形勝之地東有瞿塘北有
劔門沃野千里自遭青中之虐民物凋耗明公撫養民幸
蘇息人心之歸則天命可知且陳友諒弑主自立明公必

不肯聽命也若不稱大號以繫人心恐軍士俱四方之人

或思其鄉土而去明公孰與守取乎弗聽明日禎又言王

珍乃咨謀於衆以壬寅年春三月戊辰即位于重慶

月明王珍破雲南夏五月自稱僭蜀王

國號大夏改元天統倣周制設六卿

即日以戴壽爲冢宰萬勝爲司馬張文炳爲司空尚大寺

莫仁壽爲司寇吳友仁鄒興爲司徒劉禎爲宗伯置翰林

院以牟圖南爲承旨史天章爲學士立妻彭氏爲皇后子

昇爲皇太子朝夕受學內設國子監教公卿子弟外設提

舉司教授生徒府置刺史州曰太守縣曰縣令去釋老二

教上奉彌勒夏定賦稅十取其一農家無力役之征秋延

試進士賜董重璧等八人及第餘出身有差置雅樂立郊社之祭冬命司馬萬勝領兵攻剌踏坎晉顏達更平章走之天統二年癸卯春命司馬萬勝攻雲南由界首入司寇鄒輿由建昌入指揮芝麻李由八番入勝兵不滿萬皆以一當十二月八日抵雲南梁王宇羅一名把都及雲南行省蕭訪司官先二日走屯兵金馬山一日皆走楚威鄒李不至遣使四出告諭招安降者日至即遣侍中楊源表聞獲其象以獻表曰聖德孔昭誕受維新之命王師所至宜無不服之邦大軍旣發于三巴踰月遂平乎六詔窮蹙交賀遠邇同歡恭惟皇帝陛下勇智如湯文明協舜慨念中華之貴及爲

左袵之流矧在位之貪殘致生民之困悒恭行天罰遂平
定乎多方禮順人情即進登于五位忝茲南詔鄰比西戎
藩公挾便宜行事之文專任恤人恣其饗養守宰無愆心
愛民之意肆爲虐政害彼黔黎下詔揚庭出師討罪初臨
烏撒蠻酋納款以供輸繼次馬隆敵衆望風而奔潰遂由
驛路踏入滇池士民冒雨以爭降官吏叩頭而請罪一毫
不染萬室皆安勝愧以庸才欽承威命凡此大勛之集斷
非小器之能皆聖人大庇之洪休抑諸將効勞於忠力深
入不毛臣愧偶同於諸葛誕敷文命帝德齊美于有虞此
鄒興所撰也夏四月梁王下王傳官大都領兵回哨援之

勝敗於關灘時招安元帥姬安禮被執至行邸問兵多寡
曰八千於是大都命集于大理是役也勝以孤軍不可深
入士多戰傷乃留建水元帥府聶千戶守之遂引還重慶
天統三年甲辰司馬萬勝兵攻興元圍城三日不克而還
命司寇鄒興攻巴州克之留兵鎮守是年更立中書省樞
密院戴壽爲左丞相萬勝爲右丞相尚大亨張文炳爲都
察院鄒興爲平章俾鎮成都吳友仁鎮保寧莫仁壽鎮夔
門俱爲平章實英姜珏爲參政鎮播州夷陵荆玉商希孟
俱爲宣慰鎮永寧黔南天統四年乙巳萬勝取興元時有
劉謹者江西人爲仁壽教官文章清古能作成後進玉珍

入蜀棄官隱居瀘州子弟多從之游王珍屢徵不就卒弟
子葬之小市廂是年冬我

太祖高皇帝遣使通聘曰胡人本處沙塞今反居中原是冠
履顛倒足下應時而起居地上流區區有長江之險相爲
唇齒協心同力併復中原惟足下圖之王珍遣參政江儼
答聘天統五年丙午春王珍卒年三十六昇襲位纔十歲
改元開熙尊母彭氏爲皇太后萬勝與張文炳有隙文炳
使王珍義子明昭矯彭氏旨召勝殺之使劉顧代爲丞相
勝有開國功死非其罪人多不服吳友仁移檄興兵昇命
戴壽討之友仁遺書曰不誅昭國必不安昭若朝誅吾當

夕至壽乃奏誅昭友仁入朝謝罪是年昇遣使來貢

太祖命侍御史蔡哲報聘因挾一史同往潛圖其山川險易
已酉大明洪武二年也

朝廷遣使入蜀求大木昇亦遣使來貢使還

上賜書答之曰朕歷觀古之有蜀者如公孫述劉備李特
王建孟知祥輩皆能乘機進取而善守之道未聞今足下
據此必圖所以善守可也朕連年出師所向皆捷諸將用
命故能成功遠勞致禮益見厚意因使者還姑以此復是
年冬十月

太祖遣湖廣行省平章楊璟招諭昇璁至蜀諭昇揭福使同

入覲昇牽於群議不能決環還復以書曉之其略曰足下以幼冲之資襲先人之業不咨至計而聽群下之議以爲瞿塘劔閣之險一夫負戈萬人無如之何此皆不達時變以誤足下何則昔之據蜀最盛莫如劉備諸葛孔明佐之訓練士卒財用不足取之南蠻然猶朝不謀夕僅能自保今足下疆揚南不過播州北不越漢中以此準彼相去萬萬而欲以陡絕一隅之地延頃刻之命可謂智乎我

聖上以足下先人通好之故不忍加師數遣使諭意又以足下年幼未歷事變恐惑於狂瞽之說失遠大之利故復遣環面諭禍福深仁厚德所以待明氏者至矣足下可不

深念之乎且向者亂雄如陳友諒張士誠竊據吳楚造舟
塞江河積糧過山嶽強將勁兵自謂莫敵然鄱陽一戰友
諒授首旋師東討張氏面縛此非人力實天命也足下視
此以爲何如禍福利害瞭然可觀逆順之圖在足下審之
而已昇不能從洪武三年庚戌夏四月大將軍徐達遣裨
將金興旺張龍由鳳翔入連雲棧合兵攻興元興元守將
劉思忠知院金慶祥迎降達留興旺龍鎮守七月吳友仁
寇興元興旺擊却之明日友仁復來攻興旺與戰面中流
矢拔矢復戰斬首數百時城中守兵纔三千友仁兵三萬
興旺遣間道走寶雞取援兵友仁乃圍城決濠塹斬急攻

興旺嬰城拒守發礮播石敵兵多死時徐達在西安得報
卽帥師還屯益門鎮先令傅友德率兵三千徑趨黑龍江
夜襲木槽關攻斗山皆下遂令軍中人持一炬然于山上
友仁見列炬起大驚乘夜遁去是年又遣使假道攻雲南
戴壽不奉命又遣蔡參政招諭昇不從四年辛亥春正月

丁亥

上親祀上下神祇告伐明昇命中山侯湯和爲征西將軍江
夏侯周德興爲左副將軍德慶侯廖永忠爲右副將軍暨
榮陽侯楊璟都督僉事葉昇率京衛荆湘舟師由瞿塘趨
重慶潁川侯傅友德爲征虜前將軍濟寧侯顧時爲左副